

十三經注疏校勘記

毛詩注疏校勘記卷二

起十一盡二十

臣

阮元恭撰

○氓

氓刺時也

小字本相臺本同閩本明監本毛本亦同唐石經

氓作毗案釋文云氓莫耕反民也正義云氓六章唐石經作毗者避民字諱而改之耳猶避世字諱改泄作洩之類也傳氓民也說文氓下同是毛詩此經作氓之證毗字取諸周禮遂人耳周禮釋文致毗亡耕反又五經文字田部毗莫鄧反又音盲者亦周禮字○按周禮亦本作氓唐人改毗

刺淫泆也

唐石經小字本相臺本同閩本明監本毛本亦同案釋文佚音逸正義標起止云至淫佚是釋文本

正義本皆作佚唐石經改作泆者非也閩本以下正義中亦皆誤泆餘同此

摠言當時一國之事

閩本明監本毛本事誤夷

蚩蚩者敦厚之貌

閩本明監本毛本同小字本相臺本無者字案有者衍也

男子之通稱

相臺本同閩本明監本毛本同小字本稱下有也字

且為會期

相臺本同閩本明監本毛本同小字本作期會案期會非也標起止云至會期可證

非我以欲過子之期

閩本明監本毛本同小字本相臺本以作心案以字誤也考文古本以心

複出亦誤

宜為請

閩本明監本毛本宜誤官

變民言也

閩本明監本毛本同案也當作叱載芟正義引作叱可證

叱猶憐

閩本明監本毛本叱誤氓案正義引羣籍有依其本書之字不順經注者此類是也或於下言

字異音義同或不言者省耳皆不可據經注及正義上下文改之○按白帖引周禮作氓凡詩禮作叱者唐時最俗本耳孔冲遠所據周禮故作氓也

郭璞云敦孟也音頓

閩本明監本毛本同案音頓二字當旁行細字正義於自作音者例

如此○按音頓二字亦景純語今俗本爾雅刪之

言且者兼二事也明監本毛本且誤日閩本不誤

故能自悔小字本相臺本同閩本同明監本毛本悔誤誨

我以所有財遷徙就女也閩本明監本毛本同小字本相臺本遷作賄案賄字是也

無食桑甚唐石經小字本相臺本同案此釋文本也釋文云甚本又作椹音甚考正義本是椹字見下五經文字云椹詩或體以為桑甚字亦其證泮水經作黽即用字不

畫一之例

言吁嗟鳩兮無食桑椹明監本毛本椹誤甚閩本不誤案正義椹字凡八見十行本皆

從木閩本亦然正是義本作椹也此借椹為甚而正義不易為甚而說之者即以椹為正字不以椹甚為古今字也考文及補遺皆不載亦如郭忠恕佩觿謂桑甚字不當用鉄椹字耳凡山井鼎物觀以為誤者則不載其例如是

而女思於男

閩本明監本毛本同案浦鏗云思當異字誤是也

墮脣也

小字本相臺本脣作隋閩本明監本毛本亦同案脣是誤字考文古本隋作墜采正義其葉黃而墮

墜而誤也黃而墮墜正義取王肅述毛語為說耳非傳作墜

幃裳童容也

小字本同閩本明監本毛本同相臺本幃作帷考文古本同案帷字是也經傳皆是帷字

箋當同小字本傳亦足幃皆誤正義於箋引周禮注而說之則用幃字順彼文耳不當據改其說經傳自作帷標起止云傳帷裳

恩意䟽薄故耳

毛本意誤義閩本明監本不誤

山東謂之裳幃

明監本毛本幃誤韋閩本不誤

泮坡也

相臺本同閩本明監本毛本同小字本坡作陂案釋文云坡本亦作陂考正義云故以泮為陂澤陂

傳云陂澤障是也箋以泮不訓為陂是其本作陂標起止云傳泮坡當誤也

總角之宴

唐石經小字本相臺本同案釋文云之宴如字本或作升者非正義去經有作升者因甫田總角升

今而誤也定本作宴考羔裘傳宴鮮盛貌此義當與彼同釋文正義皆不從或本是也○按鄭羔裘作晏鮮盛貌非宴字也宴不得訓鮮盛

信誓旦旦然

小字本相臺本同案正義標起止云至旦旦然又云定本云旦旦猶但但考釋文云旦旦

說文作息息說文心部但下重文云息息或从心在旦下詩曰信誓息息是許本毛詩經字作息息也鄭箋之本字與許異經字作旦傳同而旦即息息之假借故箋云言其懇惻款誠字爲旦義仍爲息息實與許未嘗不合也定本改息息用但又以爲傳始有此字乃去傳然字而以猶但但附益之皆誤之甚者也考文古本作信誓旦旦然猶但但也一本作旦旦猶但但然無信誓二字皆采正義而又皆誤

結髮宴然之時

小字本相臺本同閩本明監本毛本宴誤晏

我其以信相誓旦旦耳

小字本相臺本同案段玉裁云耳當作爾其說是也傳云旦旦然箋

云旦旦然復一也考又古本作爾臣二字乃月而

曾不念復其前言

相臺本同小字本念復作復念案正義標起止箋曾不復念其前言云今定本

曾不念復其前言俗本多誤

則我而已焉哉

閩本明監本毛本而作亦案所改是也

以經云有岸有泮

毛本泮誤畔閩本明監本不誤

男女未冠笄者

明監本毛本女誤子閩本不誤

注云故髮結之

閩本明監本同毛本故作收案收字是也

變本言信

閩本明監本毛本同案言當作忘形近之譌

○竹竿

以成爲室家

相臺本同閩本明監本毛本同小字本室家作家室案室家是也箋及正義可證

遠兄弟父母

唐石經小字本同閩本明監本同相臺本作遠父母兄弟毛本初刻遠兄弟父母後改從相臺

本案相臺本誤也釋文以遠兄二字作音可證段玉裁云從唐石經今本誤則非韻見六書音均表

出遊思鄉衛之道

小字本相臺本同案正義云今定本思作斯或誤考文古本作出遊斯鄉衛之道

矣采正義鄉字則采釋文又作本也

○芄蘭

刺惠公也驕而無禮

小字本相臺本同唐石經初刻作刺衛惠公也驕而無禮後改同今本案初刻

誤也

無之亦下二句是也

閩本明監本毛本同案浦鏜云之當禮誤非也此無字是刺之誤

且此自謂有才能

毛本謂誤位閩本明監本不誤

刺之而言容璫之美

閩本明監本毛本同案經作遂傳箋同正義作璫遂璫古今字易而



說之也例見前

君子之德

闕本明監本毛本同小字本相臺本之作以案

以寧非也正義云以與君子之德當柔潤溫良今君之德何以不溫柔又云故以喻君子之德當柔潤溫懷皆其證

莖蘭柔弱恒蔓延於地

小字本相臺本同案此延字衍也釋文云恒蔓延於地本或作恒蔓延

於地者後人輒加耳考正義云恒蔓延於地乃自爲文以延蔓說蔓非其本箋有延字也延在蔓上亦其證矣各本皆誤當正之

然其德不稱服

小字本相臺本同案此定本也正義云定本云然其德不稱服正義說傳云而內德

不稱說箋云而內無德以稱之是與定本不同也但未有明文今無可考意必求之或當是而內德不稱考文古本服作副下有也字未見所出

佩玉璲璲兮

闕本明監本毛本璲璲誤遂遂

玦用正玉棘若擇棘閩本明監本毛本同案浦鏗云王誤玉擇誤擇以儀禮考之浦校是也

○河廣

衛文公之妹小字本相臺本同案此定本也正義本下有襄公之母四字正義云今定本無襄公之母四字是也

前貧後富貴閩本明監本毛本同案貧下浦鏗云脫賸字以大戴禮及家語考之浦校是也  
非爲其廣小字本相臺本同閩本明監本同考文古本亦同毛本爲誤謂下非爲其遠同案釋文非爲于僞尺考文古本采釋文

亦喻近也小字本相臺本同案此正義本也正義云定本無亦字義亦通考下箋云行不終朝亦喻近乃亦此箋非此箋亦上喻狹當以定本爲長

○伯兮

至不反

閩本明監本毛本同案反下當有焉字唐石經以下各本皆有此字也

則傑爲有德故云英傑

閩本明監本毛本同案經作榮注同正義作傑榮傑古今字易

而說之也例見前

戈祕六尺有六寸

閩本明監本毛本同案浦鏜云祕誤祕是也

用則執之

閩本缺用字明監本毛本誤執

象三材之六畫

毛本材誤才閩本明監本不誤

必有夷矛明矣

閩本明監本毛本必誤兵

司馬法云

閩本明監本法誤注毛本誤註下同

前驅歛犬

閩本明監本毛本犬誤大

諼草令人忘憂

小字本相臺本同案此當作諼草令人善忘故箋云憂以生疾恐將危身欲忘之傳

不言憂箋以憂申之也若傳已云忘憂則生疾危身人所共曉何煩更箋乎釋文云令人力呈反善忘亡向反又如字爾雅釋文引詩云焉得萋草毛傳云萋草令人善忘是釋文本不誤也正義說傳云諼訓爲忘非草名故傳本其意言焉得諼草謂欲得令人善忘憂之草此正義本忘上有善字之證其仍云忘憂者以鄭說爲毛說凡正義以爲毛鄭不異者其自爲文每如此非傳有憂字也正義本當亦不誤釋文諼下云說文作蕙云令人忘憂也皆所以著其異耳不知者反據之并取正義自爲文者以改此傳失之甚矣各本皆誤當正之考文古本作善忘憂采釋文正義仍誤存憂字

洗南北直室東西

閩本明監本毛本同案浦鏜云隅誤西以士昏禮記注考之是也

背名爲堂也

閩本明監本毛本背作皆案所改是也

○有狐

所以育人民也

唐石經小字本相臺本同案正義標起止云至人民又云所以蕃育人民釋文云所以有

民人也本或作蕃育者非正義云所以蕃育人民其本當有蕃字但未有明文耳人民以作民人爲是出其東門序云民人思保其室家焉蓼莪序云民人勞苦標有梅傳亦作民人此序當同釋文有誤作人民者今正詳後考證考文古本作民人采標有梅傳

厲深可厲之者

小字本相臺本者作旁閩本明監本毛本亦同案旁字是也者是誤字考文一本作

傍此誤采他正義所易之今字耳

○木瓜

其畜散而死三月

閩本明監本毛本死作無案今齊語作其畜散而無育浦鐸云有誤分爲

三月二字是也

瓊玉之美者琚佩玉名

小字本相臺本同案釋文琚下云琚玉名正義云琚是玉名又云有

女同車云佩玉瓊琚故知琚佩玉名段玉裁云此傳石誤  
為名久矣佩玉石者佩玉納閒之石也雜佩謂之佩玉有  
琚瑀以納閒琚瑀皆美石也鄭風正義釋文皆引說文琚  
佩玉名名亦石之誤瓊為玉之美者故引伸凡石之美者  
皆謂之瓊

結己國之恩也

小字本相臺本同案釋文云結己國以為恩也一本作結己國之恩也正義本無可

考考文古本作以為采釋文

今國家敗滅

明監本毛本今上衍況字闕本剗入

酸可食是也

閩本明監本毛本酸誤酢案此依今爾雅注改耳

下傳云瓊瑤美石瓊玖玉名三者互也

閩本明監本毛本同案名當作

石考正義下文云琚言佩玉名瑤玖亦佩玉名瑤言美石玖言玉石明此三者皆玉石雜也故丘中有麻傳云玖石次玉則玖非全玉也據此則正義本唯琚佩玉名作名其瓊瑤美石瓊玖玉石皆作石故云三者互也互

謂玉名美石玉石相互也若是瓊玖玉名則與瓊琚佩玉名同與瓊瑤美石別而三者不復互矣亦不當引傳玖石次玉而說之也今正義瓊瑤美石不誤而瓊玖玉石及玖言玉石二字皆誤為名所當正也

瓊瑤美玉 小字本相臺本同案釋文瑤下云美玉也說文云美石正義作美石見上段玉裁云正義是也說文琕琕瑤皆石之美者玉爵瑤爵為等差在周禮禮記

瓊玖玉名 小字本相臺本同案釋文玖下云玉名字書云玉黑色段玉裁云此玉石之誤王風傳玖石次玉者說文玖石次玉黑色者玉石見楊雄蜀都賦漢書西域傳師古曰玉石石之似玉者也今考正義本作玉石見上

二百四句 小字本同閩本明監本毛本同唐石經相臺本四作三案四字誤

王城譜

陽樊温原之田 明監本毛本原誤源閩本不誤

以洛邑爲東都

明監本毛本爲誤謂閩本不誤

是爲東都

毛本爲誤謂閩本明監本不誤

我乃卜澗水東

明監本乃誤則閩本毛本不誤

是殷頑民於成周也

明監本毛本是下有遷字閩本剋入案所補是也

幽王嬖褒姒生伯服

毛本服誤復閩本明監本不誤

子幽王宮皇立

閩本明監本毛本同案此不誤浦鏗云淫誤皇非也考高誘注呂覽亦作皇正

義所引周本紀當如此

遂殺幽王麗山下

閩本明監本毛本同案此不誤浦鏗云驪誤麗非也考漢書匈奴傳攻殺

幽王于麗山之下亦作麗正義所引周本紀當如此大

小雅譜正義引同采菽正義引作驪當是後改

此風雅之作本自有體猶閩本明監本毛本同案體字

句絕猶字當在貶之而作風



上卽由字也浦鐘校移猶字入而云句中改作獨非也又山井鼎考文云宋板此作也屬上其實不然當是剗也凡十行本脩改非一考文所載不誤者俱從之唯誤者出焉

言作爲雅頌貶之而作風

閩本明監本毛本同案此當作言當爲作雅猶貶之而作

風譜所謂其詩不能復雅也黍離箋同義云此言天子當爲雅從是作風云云亦其證與頌全不相涉衍也猶字錯在上皆當正之

已此列國當言周

閩本明監本毛本同案此不誤浦鐘校移已字入上句非也已卽以字

○黍離

而同於國風焉

各本此下更無注案釋文云崔集注此下更有猶尊之故稱王也今詩本皆無正義

標起小云至風焉是正義本亦無詩譜謂之王城譜則王字謂東周之國崔集注妄謂九字非鄭意

行道也道行猶行道也

小字本相臺本同案正義云今字本文當如此是舊本不如此也今

無可考

何等人哉

小字本同閩本明監本毛本同相臺本無等字案正義云何等人猶言何物人大夫非不知而

言何物人疾之甚也相臺本誤

故爲憂思無所愬也

閩本明監本毛本同案愬當作訴正義作訴上文可證傳作愬標起

止可證愬訴古今字正義所易也此一字不知者改耳餘同此

古詩人質

閩本明監本毛本同案詩當作時桑柔正義引作時可證今爾雅疏亦誤爲詩

故以遠人言之

閩本明監本毛本人作大案此說夏日蒼天所謂據人遠而視之其色蒼蒼然

也作大者誤

旻天不弔無可怪耳

閩本明監本毛本旻上衍稱字案爾雅疏卽取此正無稱字

○君子于役

君子行役無期度

毛本期誤其闕本明監本不誤

君子于往行役

闕本明監本毛本同小字本相臺本無于字考文古本同案有者衍

羊牛從下牧地而來

闕本相臺本同明監本毛本同小字本亦或倒但唐石經以下至毛本皆誤也二章經文別

本皆不誤雖別本乃誤者如何彼穰矣不可畏也求爾新特家伯維宰如彼泉流爰其適歸以篤于周祐降予卿士及此羊牛下括并胡然厲矣假樂君子天降滔德彼徂矣既右饗之等皆不更出因經注本及注疏本固未嘗誤不煩正也

○君子陽陽

遠離禍害已

闕本明監本毛本同案已上浦鏜云脫而字是也

其且樂此而已

小字本相臺本同考文古本同闕本明監本毛本且誤自案正義云其且相與樂此

而已可證

翻羶也翳也

小字本相臺本同閩本明監本毛本亦同案正義標起止如此考文古本翳上有羶字考

正義引爾雅翻羶也又引羶翳也然後說之云故傳并引之正說傳用爾雅而去其一羶字之意考文古本反用添傳失之甚矣○按羶从每正字也羶从毒俗字也說見五經文字爾雅釋文

○揚之水

故言周人以別之

明監本毛本別誤列閩本不誤

何月我得歸還見之哉

閩本明監本毛本同小學本相臺本歸還作還歸考文古本同案還

歸是也

今日安否哉安否哉

閩本明監本毛本同案箋作不正義作否不否古今字易而說之也

例見前

祚四岳爲侯伯

明監本毛本祚誤作閩本不誤

其葉皆長廣於柳葉

閩本明監本毛本於誤似

○中谷有蕓

以喻夫恩薄厚

閩本明監本毛本厚誤閔

喻婦人宜居平安之世

明監本毛本喻上衍以字閩本  
剗入

果至分離矣

毛本至誤生閩本明監本不誤

葉似萑

閩本明監本毛本同案浦鍾云萑誤萑考爾雅  
注是也

皆云菴藺是也

明監本毛本藺誤閩本不誤案菴藺  
見司馬相如賦漢書作菴閩史記作菴

藺

韓詩及三蒼說

明監本詩誤信閩本毛本不誤

說文云菸綏也

閩本明監本同毛本綏作菸案皆誤也  
浦鍾云菸是也

徒用凶年深淺為厚薄

小字本同閩本明監本毛本同相臺本厚薄作薄厚案薄厚是也正

義中薄厚字凡四見又標起止云至薄厚皆其證閩本以下并標起止亦改而倒之誤甚

○免爰

國危役賦不息

閩本明監本毛本同案危當作內以六字為一句

秋又取成周之粟

閩本明監本毛本同粟傳作禾

是諸侯背也

明監本毛本背下有叛字閩本刻入案所補是也

序云君子不樂其生之由

閩本明監本毛本同案云當作言形近之譌

有急者有所躁蹙也

小字本相臺本同案此正義本也正義云箋有所躁蹙者定本作操義並

得通釋文云操七刀反本亦作燥沈七感反蹙子六反本亦作戚七歷反此箋取莊三十年公羊傳文今彼文作操蹙鄭考工記注云齊人有名疾為戚者春秋傳曰蓋操之為已戚矣此箋當亦本是操戚其或作躁蹙者即操戚之

別體皆上讀七刀反下讀子六反正義所謂義並得通也  
若本又作燥讀爲七感反下讀爲七厯反則誤作慘憾二  
字之音失之矣沈重非也又見江漢箋

庶幾無此成人之所爲毛本此誤所闕本明監本不誤

易云庶幸也幾覲也

闕本明監本毛本同案云當作注形近之譌

以傳言尙無成人者爲

闕本明監本毛本同案此不誤浦鏗云者爲倒非也者字傳無

正義足成傳意耳

造僞也

闕本明監本毛本同小字本相臺本僞作爲考文古本同案爲字是也○按古爲僞通用如人之爲

言亦作人之僞言左傳爲多訓僞

中施胥以捕鳥

闕本明監本毛本胥誤骨

○葛藟

王族刺平王也

唐石經小字本相臺本同案正義云定本云刺桓王義雖通不合鄭譜釋文云刺桓王本

亦作刺平王案詩譜是平王詩皇甫士安以爲桓王之詩崔

集注本亦作桓王譜下正義云今葛藟序云平王則謚言非也定本葛藟序云刺桓王誤也考此是集注定本釋文本皆誤以皇甫謐所改入毛鄭詩

亦無顧眷我之意

相臺本同閩本明監本毛本同小字本顧眷作眷顧案眷顧是也又見碩鼠箋

王又無母恩

小字本相臺本同案釋文云王又無母恩也一本作王后正義云定本及諸本又作后義

亦通考此文當屬箋今脫去句首箋云二字遂屬之傳非也正義標起止云箋王又無母恩是其證且又者繫前之辭所以又上箋無恩於我也傳未有無恩之文安得云又哉各本皆誤當依正義正之定本及諸本作王后者尤誤此但刺王不刺后若分首章父爲王二章母爲后則三章昆之所指不應不見於傳箋也正義云義亦通非是

箋王又無母恩

明監本毛本箋下行云字闕本刻入

潄水濂也

小字本相臺本濂作隙閩本明監本毛本亦同案此非釋文所云詩本又作水旁兼者也乃釋



文濂清也誤涉耳正義標起止以下及各本皆作濂可證

不行者蓋衍字閩本明監本毛本同案浦鏗云衍字是也爾雅疏即取此正無衍字

○采葛

釋草云蕭荻閩本明監本毛本同案浦鏗云荻誤荻下同考爾雅釋文浦校是也餘同此

王氏云取蕭祭脂閩本明監本毛本同案王氏當作生民形近之譌蓼蕭正義可證

○大車

莢騅也蘆之初生者也小字本相臺本同案釋文蘆力吳反正義云此傳莢為蘆之初生則

意同李巡之輩以蘆藪為一也戴震云蘆字訛當為荏莢蘆乃荏葦二物未秀之名涵為一者非說文莢荏之初生可證毛傳轉寫之失見毛鄭詩考正

如莢草之色○然閩本明監本毛本同案○當衍

服其於國之服

閩本明監本毛本於誤本

故得如葵色

閩本明監本毛本色誤也

毳畫虎雉

閩本明監本毛本同案浦鏜云蜚誤雉是也

穴謂塚壙中也

相臺本同閩本明監本毛本同小字本無也字

○丘中有麻

丘中堦墉之處盡有麻麥草木

小字本相臺本同案此正義本也正義云定本云丘

中堦墉遠盡有麻麥草木與俗本不同也釋文云墉本或作遠此從孫義而誤耳是定本遠字亦從孫義但又墉遠複出無之處爲異

將其來施施

唐石經小字本相臺本同案釋文云施施如字正義標起止云丘中至施施考顏氏家訓引傳

及箋云韓詩亦重爲施施河北毛詩皆云施施江南舊本悉單爲施俗遂是之恐有少誤然則今毛詩釋文正義及各本

毛詩注疏校勘記

卷二

三

皆作施施者或由顏說定之也經義雜記以為經文一字傳箋重文引牾谷風有光有潰傳洗洗武也潰潰怒也箋君子洗洗然潰潰然無溫潤之色等證之其說是也

正謂朋友之身

明監本毛本身下有也字閩本作○皆誤

鄭譜

又云為幽王太司徒

閩本明監本毛本同案此不誤浦鏗云衍云字非也譜以上說京兆

鄭縣以下說河南新鄭故以又云為更端之辭山井鼎考文載永懷堂板又云作桓公出於臆改其板自是俗書無足論者盧文昭亦取改此文失之矣

問於史伯曰

閩本明監本史誤吏毛本不誤

桓公臣善

閩本明監本毛本同案山井鼎云史記臣作日是也

諡昭十六年左傳

明監本毛本昭誤桓閩本不誤

昔我先君桓公

明監本毛本昔誤皆閩本不誤

斬之蓬蒿藜翟

閩本明監本毛本同案浦鏜云翟誤翟是也

是桓公寄帑之時

毛本公誤王閩本明監本不誤

案左傳及鄭世家

毛本及誤又閩本明監本不誤

齊人殺子廩

毛本殺誤弑閩本明監本不誤

子文公踰立

閩本明監本毛本同案此不誤浦鏜云踰傳作捷非也此據世家

蓋後立時事也

明監本毛本蓋誤皆閩本不誤

是突前篡之箋

閩本明監本毛本箋作初案皆非也當作事上下文可證

宜是初田事也

閩本明監本同毛本田作年案皆非也田當作日形近之譌

雖當突前篡時

明監本毛本時上衍之字閩本剗入

○緇衣

而善於其卿之職

明監本毛本善誤美閩本不誤

則民不愉

閩本明監本毛本愉誤偷下同案此正用周禮字

粢餐也

小字本相臺本同案釋文云飧蘇尊反在粢字後諸廬字前是釋文本餐作飧正義云粢餐釋言文

考爾雅與此傳意同皆謂粢爲餐假借釋文本誤

在天子宮

小字本相臺本宮上有之字明監本毛本同閩本剋入考文一本同案有者是也

而言予爲子授者

閩本明監本毛本同案浦鏗云予譌子是也

非民所能改受之也

閩本明監本毛本同案浦鏗云授譌受是也

又再染以黑乃成緇

閩本明監本毛本同案乃上浦鏗云脫則爲緇又復再染以黑九字

考周禮注是也此以黑複出而脫去

此緇衣卿士冠禮所云

閩本明監本毛本同案浦鏗云即誤卿是也

周緇衣卿士所服也

閩本明監本毛本周作則案所改非也周當作明形近之譌

釋詁云之適往也

閩本明監本毛本同案此不誤浦鏗云適之字誤倒非也有杖之杜正義

亦引作之適可證

內路寢之裏

明監本毛本路誤朝閩本不誤

○將仲子

繕甲兵

毛本甲兵誤倒閩本明監本不誤

仲初諫曰

小字本相臺本同閩本同明監本毛本諫誤請

君將與之

小字本相臺本同案釋文云君若與之一本若作將正義本今無可考

四牡傳云杞枸繼

閩本明監本毛本同案考彼傳及爾雅皆是繼字此繼字當誤

哀二十年左傳

閩本明監本毛本二十誤倒

矣則祭仲之諫

閩本明監本毛本同案浦鏜云矣哉然字之誤屬下是也

實敗名病大事

閩本明監本毛本同案敗名二字常衍此引晉語實病大事或記左傳敗名於

傍遂誤入皇皇者華正義引實病大事不誤

園所以樹木也

小字本相臺本同閩本明監本同毛本樹誤種案正義云故其內可以種木也是自

爲文不當據以改傳

檀彊韌之木

閩本明監本毛本同小字本相臺本韌作忍案釋文云忍本亦作刃同而慎反依字韋旁

刃此今假借也考采薇箋堅忍白華柳箋柔忍皇皇者華傳調忍字皆作忍周禮土訓考工記二釋文亦可證是此傳本作忍字因正義自用韌字不知者乃取以改也又考文古本作紉采釋文所載沈重說及采薇改作紉白華采所易今字作韌皆非也舊釋文韋字誤今正見後考證

故云彊韜之木

閩本明監本毛本同案傳作忍正義作韜忍韜古今字易而說之也例見前餘

同此

駁馬梓檣

閩本明監本毛本檣作榆案榆字是也晨風正義引作榆

○叔于田

以寵私過度

閩本明監本毛本私誤祿

丰曰俟我乎巷

明監本毛本丰誤毛閩本不誤

夾轅兩馬

明監本毛本夾誤也閩本不誤

言其不妄爲武

閩本明監本毛本武下衍也字

○大叔于田

叔多才而好勇

唐石經小字本相臺本同案此正義本也釋文云本或作而好勇好衍字正義云禮楊暴



虎是好勇也下文云好勇如此是與或作本同

大叔于田

唐石經小字本相臺本同案此正義本也釋文云叔于田本或作大叔于田者誤正義標起止云大

叔至傷女下文云毛以為大叔往田獵之時又上篇正義云此言叔于田下言大叔于田作者意殊是與或作本同此詩三章共十言叔不應一句獨言大叔或名篇自異詩文則同如唐風杖杜有杖之杜二篇之比其首句有大字者援序入經耳當以釋文本為長

將叔無狃

唐石經小字本相臺本同案釋文云毋本亦作無正義本今無可考

然則藪非一

閩本明監本毛本同案則當作澤上下文可證

孫炎曰狃伏前事

閩本明監本毛本同案浦鏜云伏誤伏是也

欲止則往

閩本明監本毛本同案浦鏜云往誤往是也

驂中對文

明監本毛本驂下衍與字閩本刻入

乘一乘之鵠馬閩本明監本毛本上乘字誤乘鵠誤鵠案經傳皆作鵠正義作鵠鵠鵠古今字易而說之也例見前標起止

以惰慢者必遲緩明監本毛本慢誤悞閩本不誤

明上句言覆矢閩本明監本明誤名毛本不誤

○清人

臣有高克者閩本明監本毛本臣誤將

禦狄于竟閩本明監本毛本竟作境下言禦狄於境同案所改是也序作竟正義作境下文皆可證竟境古今字易而說之也考文古本序亦作境誤采正義所易之今字

故言侵也明監本毛本也誤之閩本不誤

駟四馬也小字本相臺本同案釋文云一本駟介四馬也考文古本有介字采釋文一本此箋但說駟耳

其介甲也已傳矣一本誤○按毛傳文茵虎皮也謂文茵之文乃是虎皮也荷華扶渠也謂荷華之荷乃是扶渠也傳之例本如此後人有刪改遂致不畫一

乃使四馬被馳駈敖遊明監本毛本被下有甲字閩本剗入案所補是也

故刺之閩本明監本毛本之誤也

酋近夷長也毛本近誤短閩本明監本不誤

是守國之兵長明監本毛本兵下衍用字閩本剗入

魯頌以矛與重弓共文明監本毛本以下衍二字閩本剗入案此無二字乃與上下文

互見不當添也

然題者表識之言明監本毛本題誤則矛二字閩本剗入

中軍爲將也閩本明監本毛本同小字本相臺本爲作謂考文古本同案謂字是也釋文以謂將作音

可證

注云右陽也

閩本明監本毛本同案浦鏜云左誤右是也

爲相敵之言

閩本明監本毛本言下衍○

鄭兵緩爲右

閩本明監本毛本同案山井鼎云兵當作丘是也

○羔裘

朝多賢者

閩本明監本毛本賢下衍臣賢二字

如濡潤澤也

小字本相臺本同案此正義本也正義云定本濡潤澤也無如字釋文以如濡作音亦有

如字此傳潤澤正謂裘之潤澤所以得如濡非訓濡爲潤澤也正義所說是矣定本失之也皇皇者華箋云如濡鮮澤也亦其證○按裘不得云潤乃如濡耳潤澤正是濡訓定本是也

刺今朝廷無此人

明監本毛本人下衍也字闕本剗入

知緇衣者閩本明監本毛本知誤如

○遵大路

不寔故也唐石經小字本相臺本同案釋文云故也一本作故今後好也亦爾考正義云我乃以莊公不速於先君之道故也標起止云遵大至故也是正義本作也

說文摻字山音反聲

閩本明監本毛本字下有參字案所補是也山音反三字當雙行細書即為參字作音也閩本明監本毛本山誤此

操字巢此遙反聲

閩本明監本毛本同案此遙反三字當雙行細書即為巢字作音也此巢聲與上參聲皆二字連文

○女曰雞鳴

陳古意以刺今

唐石經小字本相臺本同案正義云陳古之賢士好德不好色之義又云定本云古義無

士字是正義本有士字也

朝廷之士

閩本明監本毛本土誤上

箋德謂至德也

閩本明監本毛本也作者案所改是也

士者男子之大號

閩本明監本毛本大誤美

曲禮所陳燕食之饌

閩本明監本毛本食誤飲

去則以報荅之

毛本荅作會閩本明監本作荅

珩佩上玉也

毛本佩誤珩下同閩本明監本不誤

諸侯佩山元玉

明監本毛本同閩本諸作公案此公字用禮記文改也

士佩璫玟玉

閩本明監本毛本同案此不誤補鐙云玉衍字非也記無玉字正義引而增之著正

義引亦有玉字可證

下傳亦云佩有琚玖所以納閒

閩本明監本毛本玖作瑀案瑀字誤改也詳見

非古士獨說外來賓客

閩本明監本毛本非下衍言字

此章非是異國耳

閩本明監本毛本非作必案所改非也非當作自

○有女同車

鄭人刺忽之不婚於齊

閩本明監本毛本同案序作昏正義作婚昏婚古今字易而說

之也例見前考文古本序作婚誤采此

而忽不娶

閩本明監本毛本同案序作取正義作娶娶娶古今字易而說之也例見前考文古本序

作娶誤采此添忽字亦誤采此也下箋鄭人刺忽不取齊女小字本相臺本十行本皆不誤閩本以下亦誤爲娶餘同此

獲其二帥

閩本明監本毛本帥誤師

今以君命奔齊之急

明監本毛本以誤之閩本不誤

明是在後妻者也

明監本毛本者也誤之賢閩本不誤

何必實賢實長也

明監本實皆誤貴閩本毛本不誤

曰雍始

閩本明監本毛本同案浦鐘云姑誤始考左傳是也

佩有琚瑀所以納閑

小字本相臺本同案女曰雞鳴正義引此傳瑀作玖見上考女曰雞鳴傳

云雜佩珩璜琚瑀衝牙之類正義說之於字皆引說文而證其為佩則衝牙及珩引玉藻璜引列女傳琚引此經唯瑀獨無所證故先引說文瑀玖石次玉後引丘中有麻云貽我佩玖而云然則琚玖與瑀皆是石次玉玖是佩則琚亦佩也若此傳作瑀則傳自有明證不當舍之而借玖為譬況矣作玖者是也

後世傳其道德也

小字本相臺本其道作道其考文古本同案道字在其上者是也釋文以傳道



作音可證閩本明監本毛本亦誤在下又脫也字

此解鏘鏘之意

閩本明監本毛本同案傳及經皆作將將正義作鏘鏘易古字爲今字而說之也例見前庭燎正義作將將當是不知者依經注改之耳

○山有扶蘇

所美非美然

唐石經小字本相臺本同案正義云皆是所美非美人之事定本所美非美然與俗本不同是正義然字當是人字標起止云至美然後改也

扶蘇扶胥小木也

小字本相臺本同案釋文山有扶蘇下云扶蘇扶胥木也今考正義本亦然無

小字也正義云毛以爲山上有扶蘇之木又云毛以下章云山有喬松是木則扶蘇是木可知又云扶胥山木宜生於高山皆不言小木至說鄭乃始云小木又云箋以扶蘇是木之小者較然有別可證唯云傳言扶胥小木者毛當有以知之有一小字乃後人用經注本之有小字者誤添之耳段玉裁云毛云高下大小各得其宜高下謂山隰大

謂扶蘇松小謂荷龍正言以刺忽與鄭異鄭乃互易其大小耳呂覽及漢書司馬相如劉向楊雄傳枚乘七發許氏說文皆謂扶疏爲大木許氏扶作扶古疏胥蘇通用

荷華扶渠也其華菡萏

小字本相臺本同案荷下華字衍也傳分說經荷華二字用爾雅文

不應華字又錯見荷字解中正義云荷扶渠其華菡萏釋草文正無荷下華字是其本不誤○按非誤衍也說見鄭風清人

所美非矣

閩本明監本毛本矣作美案所改是也下文云此篇刺昭公之所美非美養臣失宜是其

證

山有喬松

唐石經小字本相臺本喬作橋閩本明監本毛本亦同案橋字是也釋文橋本亦作喬毛作橋其驕

反王云高也鄭作稿苦老反枯稿也考正義本是橋字此經毛作橋以爲喬之假借鄭亦作橋與毛字同但以爲稿之假借是其異耳釋文云毛作某鄭作某所謂某者指傳箋之義不以指經字之形經字之形毛鄭不容有異也箋云稿松在

山上以爲假借不云讀爲直於訓釋中改其字也箋例每如此其釋文本亦作喬者乃依毛義改爲正字耳非毛鄭詩舊文也考文古本作喬采釋文亦作本

喬松在山上

小字本相臺本喬作橋閩本明監本毛本同案橋當作橋見上

紅草放縱枝葉於隰中

小字本同閩本明監本毛本同相臺本枝作支案枝字是也相臺本

取芄蘭經字非也

傳以喬松共文

閩本明監本毛本喬作橋下以明喬非木也不取喬游爲義同案喬字是也凡

正義說傳者側用喬十行本皆未誤此用毛義易字非正義本經作喬也

嫌爲一木

閩本明監本毛誤本毛本不誤

此章直名龍耳

閩本明監本毛本同案浦鏗云草誤章是也

不應言橋游也今松言槁

閩本明監本同毛本槁作橋下明槁松喻無恩於大臣明

監本毛本皆作橋案稿字是也凡正義說箋者例用稿十行本多未誤唯不應言稿游也一字誤作橋耳  
下篇言昭公有狂狡之志閩本明監本毛本同案狂當作壯形近之譌

○釋兮

和者當汝臣

閩本明監本毛本當下有是字案所補是也

有君不以爲君

明監本毛本上君字誤臣閩本不誤

○狡童

使立突

閩本明監本毛本使誤所

○褰裳

欲大國以兵征鄭

毛本大誤人閩本明監本不誤

先鄉齊晉宋衛後之荆楚

小字本相臺本同案此定本也正義云齊晉本是諸夏大國與

鄭境接連楚則遠在荊州是南夷大國下文云其實大國非獨齊晉他人非獨荆楚也定本云先嚮齊晉宋衛後之荆楚也義亦通是正義本當無宋衛二字今正義作齊晉宋衛諸夏大國者誤下文又云而云告齊晉宋衛者此承定本之下因引春秋經有宋公衛侯遂并說義亦通耳與上文不同

可知此子不斥大國之君

閩本明監本毛本同案浦鏗云可當何字誤是也

正可有親疏之異

閩本明監本毛本可誤以

齊晉宋是諸夏大國

閩本明監本毛本是作衛案此非也宋當作本詳見上

是為諸國不思正己

閩本明監本毛本為諸誤謂侯

故箋之云他士猶他人

閩本明監本毛本脫之字閩本明監本土誤事毛本不誤

其卿三命

閩本明監本毛本三誤二

○丰

謂之婚姻閩本明監本毛本婚誤昏下同案此正義十行本唯昏時士昏禮昏字不從女是也其序注標起止皆作婚則婚者正義所易字

之黨為姻兄弟閩本明監本毛本之上是有壻字案所補是也

謂婦為婚也閩本明監本毛本謂誤為

悔予不將兮小字本相臺本同案予字唐石經磨改其初刻字不可知矣

駢禪也毛本禪誤禪明監本以上皆不誤下同

士妻紵衣纁紉小字本相臺本同案此釋文本也釋文云紵側基反本或作純又作緇考士昏禮釋

文本誤也唯本或作純不誤經云女次純衣注云純衣絲衣是純如字讀訓為絲鄭未嘗破為紵也儀禮緇字甚多皆作緇無作紵者經為純字更審矣紵字在周禮媒氏注非此經之字也正義引士昏禮并注是其本當不誤今亦盡作紵用釋文改注又用注改正義也考文古本作緇采釋文又作本

女從者畢袵元

閩本明監本毛本袵誤衿

○東門之墀

而相奔者也

各本此序無注釋文云此序舊無注崔集注本有鄭注云時亂故不得待禮而行考正義當亦無此注實非鄭注也集注誤耳

故名曰爲刺也

閩本明監本毛本同案名曰當作各自形近之譌

東門之墀

唐石經小字本相臺本同案此定本也正義云徧檢諸本字皆作壇又云讀音曰墀蓋古字得通用也今定本作墀釋文云壇音善依字當作墀考此是釋文正義經字皆作壇注同唐石經以下依定本作墀

男女之際近而易

小字本相臺本同閩本明監本毛本同案正義云阪云遠而難則壇當云近而

易不言而易可知而省文也是傳本無而易二字釋文於下易越始云以歧反下同當是亦無此二字也各本皆衍

則茹蘆在阪

閩本明監本毛本同相臺本則下有如字考文古本同小字本作以案有如字者是也

壇坂可以喻難耳

閩本明監本毛本難下有易字案所補是也

則在東門外

閩本明監本毛本誤作則近在門外

○風雨

胡何夷說也

小字本相臺本同案正義云定本無胡何二字考文古本無采正義

○子衿

亂世則學校不脩焉

唐石經缺小字本相臺本同案釋文云世亂本或以世字在下者誤正義本今

無可考

言可以校正道藝

小字本相臺本同案釋文上云學校戶孝反下云以校正音教是學校字當從

木校正字當從才五經文字手部云校經典及釋文或以爲比校字案字書無文此校字卽張參所云也各本校正字從木誤毛本學校字亦從才更誤正義中字同此釋文有誤校作校者今正詳後考證



鄭國衰亂不脩校

闕本明監本毛本校上有學字案所補是也

故曰校也

明監本毛本日誤稱

衣皆謂之襟李巡曰衣皆

闕本明監本毛本同案浦鏗云皆誤皆考爾雅是也段玉

裁云作皆不誤皆猶交也衣皆謂衣領衣之交處也此當是李巡本獨得之他本作皆不可解乃字之誤耳

士佩璫珉

小字本相臺本同案釋文作璫而充反徐又作璫同說

文五經文字硬字皆在石部其作璫者後變而從玉耳凡與聲之字多誤從需聲見廣韻廿八獮獮字下故又作本如此

○揚之水

被他人之言

闕本明監本毛本被作彼案所改是也

○出其東門

而輟高渠彌

閩本明監本毛本同案浦鏗云輟誤輟是也

如其從風

閩本明監本毛本同小字本相臺本其作雲案雲字是也

聊樂我貞

唐石經小字本相臺本同案釋文云我貞音云本亦作云正義云則可以樂我心云耳下文云云貞

古今字助句辭也是正義本作貞以貞為古字云為今字故易貞為云而說之自著其例如此也凡易字者依是求之而例可得矣又商頌景貞維河箋員古文云亦可證

縞衣綦巾所為作者之妻服也

小字本相臺本同案此所字上當有己字正義當本

云故言縞衣綦巾已所為作者之妻服也已謂詩人自己今正義脫去所上己字耳不然此箋更無己字其已謂詩人自己者安所指乎考文古本有己字采正義而得之者也

恩不忍斥之

小字本相臺本同考文古本同閩本明監本毛本恩誤思

有棄其妻

閩本明監本妻下有者字案所補是也

如雲之從風

閩本明監本毛本重雲字衍

青黑白基

閩本明監本毛本同案浦鑑云曰誤白是也

是心不忍絕也

明監本毛本是誤自閩本不誤

茶茅秀

小字本同岳本秀作莠釋文云秀或作莠音同劉昌宗周禮音莠音酉考正義本是秀字鵠鵠正義

引此箋作秀既夕釋文用茶下云茅莠地官釋文茅莠下云毛詩注作秀是字本不與二禮注同或作本正依二禮改耳考文古本作莠采釋文○案段玉裁云莠者魏晉以下俗字也謂依二禮改非是

說文云闔闔城曲重門

閩本明監本毛本同案此不誤浦鑑云曲說文作內非也說文

本作曲今說文誤耳九經字樣云闔城曲重門也可證

卽委菜也

閩本明監本毛本菜作葉案所改是也

六月云白旆英英

毛本英英誤央央閩本明監本不誤

出其東門二章

小字本相臺本同唐石經初刻無其字後改同今本案初刻誤也序有可證

○野有蔓草

下章首二句是也

閩本明監本毛本同案浦鏞云二誤下是也

零露漙兮

唐石經小字本相臺本同案正義云靈作零字故為落也詩經小學云案此則經本作靈露變作靈

落也假靈為零字依說文則是假靈為霏考文古本溥作團采釋文也釋文云溥本亦作團徒端反團團然盛多也匡謬正俗所云詩古本有作水旁專者亦有單作專者後人輒改之為團字讀為團圓之團者即謂此

清揚眉目之閒婉然美也

小字本相臺本同案經義雜記云此傳當云清揚婉兮眉目之

閒婉然美也下八字作一句讀以清為目之美以揚為眉上之美以婉兮為清揚之美婉婉然今傳中無婉兮字是嫌於訓清揚為眉目之閒矣此以經合傳時所刪

有蔓延之草

閩本明監本毛本同案蔓延當倒下文可證

鄭以仲春為媒月

閩本明監本毛本同案浦鏜云婚誤媒是也

野有蔓草三章

唐石經小字本相臺本三作二案二字是也閩本明監本毛本亦誤作三

○溱洧

士與合會溱洧之上

小字本相臺本與下有女字明監本毛本同閩本剗入案此脫也

渙渙春水盛也

小字本相臺本同考文古本同閩本明監本毛本脫春水二字案釋文渙渙下云春

水盛也山井鼎用為證是也

士曰已觀乎

閩本明監本毛本同案浦鏜云乎當矣字誤是也

鄭國二十一篇

小字本相臺本同唐石經磨改廿一篇其初刻上為二十其下不能知矣

齊譜

季蒯因之

閩本明監本毛本同案山井鼎云蒯當作蒯物觀云朱板下季蒯作季蒯是也

其先祖世為四岳

閩本明監本毛本同案浦鏜云嘗誤世是也崧高正義引作嘗是其證

師尙父堪君多難

閩本毛本同明監本堪作甚案皆誤也考文王正義引作謀計居多此當

與彼同

大公以元勳

毛本勳誤勛閩本明監本不誤案此勛字在周禮故書非正義所用餘同此

自武公九年

明監本毛本公誤王閩本不誤

止自胡公之所殺

閩本明監本毛本同案盧文弨云止自當作上距是也

故云敷土

閩本明監本毛本同案土當作定此說諳敷定九畿

甸服此周為王畿

閩本明監本毛本同案此當作比形近之譌

成王周公封東至海

閩本明監本毛本同案浦鏜云至非奄君名也疑在下成王節疏內

錯誤在此是也當以此成王起接管仲之言也下凡移百九十三字

在禹貢青州

閩本明監本毛本同案山井鼎云在禹上當有圈是也

澹水出今琅耶箕屋山

閩本明監本毛本同案此不誤浦鏗云漢志無屋山二字非也

今志誤脫耳說文澹字下有可證

與呂彼王孫牟

閩本明監本毛本彼作汲案此誤改也十行本此字作汲以下引顧命齊世家

則作汲各順其文耳

不言孝王者有大罪去國

閩本明監本毛本同案此當作不言孝王身有大罪于國

皆形近之譌譜序正義無身字于國作惡彼文多不與此同也

詩人作到

閩本明監本毛本同案山井鼎云到當作刺是也

昭暫若此

閩本明監本毛本同案山井鼎云暫恐暫誤

○雞鳴

故夫人興戒君子

閩本明監本毛本同案故當作無

故陳人君早朝

閩本明監本毛本同案人君當作夫人見第二章正義

皆陳與夫相警相成之事也

閩本明監本毛本同案陳當作是以上正義各本譌

舛不可讀今訂正

雞鳴思賢妃也至蒼蠅之聲

閩本明監本毛本同案此標起止有誤序有疏已在

上矣雞鳴思賢妃也六字不當更見於此依其常例但取經首末二字而已當云雞既至之聲

以雞既鳴知朝將盈

閩本明監本毛本同案十行本以至知剗添者一字

東方且明之時

小字本相臺本同閩本明監本毛本且誤早案正義云是東方且欲明之時即上雞

鳴時也可證考文古本作旦字又云朱板同作旦者皆誤

鳳凰爲之長

毛本爲誤謂閩本明監本不誤



○還

還便捷之貌

小字本相臺本同案釋文便捷本亦作便旋正義本是捷字

併驅而逐禽獸

閩本明監本毛本同小字本相臺本禽作二案二字是也禽字誤

牡名驪牝狼

閩本明監本毛本牝下有名字案所補是也

○著

謂所以懸璜者

閩本明監本毛本同小字本相臺本懸作縣案縣字是也釋文云以縣音元下同正義

本當亦是縣字其自爲文乃用懸字縣懸古今字易而說之之例也

人君以玉爲

閩本明監本毛本同小字本相臺本爲下有之字考文古本同案有者是也

楚語稱曰公子張

閩本明監本毛本同案曰當作白形近之譌

其又以繩爲璜

閩本明監本毛本同案此不誤浦鏗云規誤繩非也繩當訓爲戒今韋昭注作

規不與正義所引本同也

士婚禮壻親迎

閩本明監本毛本婚作昏案所改是也餘同此

宜降以兩且此詩刺不親迎

閩本明監本毛本降下行殺字且誤耳

取其韻故耳

閩本明監本毛本韻下有句字案所補非也或言韻或言韻句一也

其物小耳

毛本小誤下閩本明監本不誤

箋尙猶至似瓊也

閩本明監本毛本脫也字

而云王之璵兮

閩本明監本毛本同案此不誤下孫毓引同浦鏜云也誤今非也說文璵下引

王之璵兮可證案段玉裁云古尙書周易無也字毛詩周官始見各書所用也字本兮字之假借是也

青紱之青

毛本青下衍也字閩本衍○明監本誤空一字餘本不誤

天子用金

閩本明監本毛本同案浦鏜云全誤金是也

○東方之日

刺衰也

唐石經小字本相臺本同案釋文云本或作刺襄公非也正義云刺衰也與釋文同

有姝姝美好之子

小字本同相臺本亦同考文古本亦同閩本明監本毛本姝姝作姝然案此當

是有姝姝然美好之子靜女正義所引可證也今此正義兩言姝然其毛以爲下一姝然不誤以傳本不重此字也其鄭以爲下本是與箋文同作姝姝然因上有姝然遂誤脫之也閩本以下用以改箋非也各本亦脫去然字

傳月盛至門

閩本明監本毛本同案門下當有內字

○東方未明

東方未明三章

閩本明監本毛本脫未明二字

挈讀如挈髮之挈

閩本明監本毛本同案下二挈字浦鏗云挈誤挈考周禮注是也

東方未明當起也

閩本明監本毛本同案當上脫去一未字

不能辰夜

各本皆同案考文古本辰作晨誤也考此可見古本之多誤

瞿爲良士貌

閩本明監本毛本同案瞿當作因

厯言晝夜者

閩本明監本毛本者誤考

夙早釋注文

閩本明監本毛本同案山井鼎云注當作詁是也

### ○南山

公謫之

閩本明監本毛本同小字本謫作謫相臺本作適案謫字是也釋文云謫直革反是箋字作謫也左

傳作謫正義引同順彼文耳十行本因改餘字皆作謫誤也相臺本作適更誤適是古假借字非箋所用五經文字云謫經典或從適又借適字爲之乃包舉左傳詩北門禮記昏義等而言之者也○按漢人不必不用假借字讀兩漢書及漢人所著可證舊校非也

襄公使公子彭生乘公

小字本相臺本同案釋文云彭生乘繩證反一本作彭生乘公乘則

三言  
依字讀正義本今無可考段玉裁云左傳古本當是使公子彭生乘爲句公薨於車爲句俗本增一公字耳乘謂同車也

下章責魯桓

明監本毛本章上有二字閩本剋入案所補是也

大夫遇是惡

明監本毛本大上衍故字閩本剋入

以姦淫之事

閩本明監本毛本姦作姦下同案五經文字云姦俗作姦訛正義多有之當是傳寫

作俗體耳

正謂手捉其脇而折拉然爲聲

閩本明監本毛本折拉誤倒案此讀折字句絕

拉字下屬

經書三月夫人遜于齊

毛本三誤二閩本明監本不誤

於會防之正

閩本明監本毛本同案浦鏜云下誤正是也

意出於齊侯

毛本出誤正閩本明監本不誤

以襄公居尊位而失匹配

閩本明監本毛本同案十行本居至匹剗添者一字

言魯之道路有蕩然平易

閩本明監本毛本同案十行本路至平剗添者一字

以求配耦

閩本明監本毛本耦誤偶

五人爲奇

小字本相臺本同案釋文云人奇居宜反是其本無爲字也正義本今無可考但無者是也正

義本當亦無其各本是淺人誤添耳

是服之最尊

閩本明監本毛本服誤物

奇天數矣獨舉五而言

閩本明監本毛本同案天當作大形近之譌也奇大數矣者謂

奇之數不止於五也

不宜以襄公往雙之云其數奇

閩本明監本毛本同案云當作六形近之譌也

六其數奇者謂從五人而六之則五人失其數奇也此正義各本譌舛不可讀今訂正○按此必有脫誤或作耦其奇數

又襄公止復文姜耳

閩本明監本毛本同案浦鏗云從誤復是也

種之然後得麻

小字本相臺本同案正義云今定本云重之然後得麻義雖得通不如為種字也考

釋文不為重字作音當與正義本同

令至于齊乎

毛本令誤命明監本以上皆不誤

又非魯桓

小字本相臺本同閩本明監本毛本同案此又字衍也下章箋始云又非魯桓又者又此箋也

正義於此章云責魯桓於下章云又責魯桓一無一有極為明晰

而至齊乎止

明監本毛本止誤上閩本不誤

卜於死者以足之

明監本足誤兄毛本誤見閩本不誤

正義曰釋詁文

閩本明監本毛本文誤云

正義曰釋詁文

閩本明監本文誤云毛本不誤

○甫田

言無德而求諸侯

閩本明監本毛本同小字本相臺本言上有箋云考文古本有亦同案有者是

也

總角卯兮

小字本相臺本同閩本明監本毛本同唐石經卯作卅案各本皆誤唐石經是也見五經文字竹部

未幾見兮

唐石經小字本相臺本同案釋文云見兮一本作見之考釋文一本是誤本也詩之大體韻在辭上

者其韻下助句之字必同此章四句句末悉是兮字不得此句獨爲之字也所以致誤之由當以箋云見之無幾何故耳其實此箋之字不出於經也正義云未幾幾時而更見之末亦當有兮字見之字取於箋兮字順經文正義每如此今脫去耳未可卽謂正義本作之字也韻下助字之同由漢廣思字推之則作正義者必知之矣不容誤也氓正義引作兮考

毛詩注疏校勘記

卷二

三



又古本作之牙羽文

突而弁兮

唐石經小字本相臺本同案正義云此言突若弁兮又云若猶耳也故箋言突耳加冠爲成人猗嗟

頤若言若者皆然耳之義古人語之異耳定本云突而弁兮不作若字考釋文以突而作音與定本同猗嗟正義云義並通故氓正義引作而依定本也○按箋作突爾猶突然也俗本作耳乃大誤凡云爾者猶言如此也

婉孌少好貌

毛本貌誤倪明監本以上皆不誤

言若者皆然耳之義

閩本明監本毛本同案此不誤浦鍵云抑誤言非也言若者三字下

屬浦誤上屬讀之也此但舉突若頤若二若字與定本作而不同者其抑若則定本亦不作而故不及之○按當云皆然爾之義

○盧令

其環鈴鈴然爲聲

閩本明監本毛本同案經傳作令令標起止云至令令然正義作鈴

鈴令鈴古今字易而說之也例見前

孟子謂梁惠王曰

闕本明監本毛本同案謂字當衍

怵怵然有喜色

闕本明監本毛本怵怵作欣欣案所改非也當是本作忻忻不與今孟子同故

誤如此

鬚讀當爲權權勇壯也

小字本相臺本同案詩經小學云五經文字權字注云從手作權古

拳握字可知鄭箋從手非從木與說文引國語捲勇小雅拳勇字同今字書佚此字僅存於張參之書吳都賦覽將帥之權勇善曰毛詩無拳無勇拳與權同俗刻文選譌誤不可讀

○敝笱

鰥大魚

小字本相臺本同案釋文云鰥毛古頑反大魚也鄭古魂反魚子也正義云是鰥爲大魚也傳以鰥

爲大魚則以大爲喻王肅言魯桓不能制文姜若敝笱不能制大魚也段玉裁云說文鰥魚也蓋出於毛詩魴鰥鰥

皆魚名耳本無大字或加之以易割魚已見居南初此單釋鰓

弊敗之笱

閩本明監本毛本同案經注作敝正義作弊敝弊古今字易而說之也例見前考此知縞

衣正義敝字亦皆本是弊字今但存縞衣若弊一弊字餘字作敝後人依經注改之而未盡也

初歸於魯國止

閩本明監本毛本止誤正下同

鰓魚子釋魚文

閩本明監本毛本同案鰓當作鯢下引李巡注可證又下云鯢鰓字異亦可證

或鄭本作鯢也

閩本明監本毛本同案鯢當作鰓謂或鄭之爾雅作鰓字也此與上鯢魚子鯢

鰓互易而誤如此

里革斷其罟

閩本明監本毛本里誤星

魚禁鯢鰓

閩本明監本毛本同案鯢當作鰓即鰓之別體字今國語作鰓此從重而者亦如鰓作鰓

輒作鰓也

箋以一鰈若大魚

閩本明監本毛本同案一當作魴刊時字壞而如此

且魴鯢非極大之魚與鰈不類

閩本明監本毛本同案鯢當作既形近之譌

魴鱣大魚

小字本相臺本同案釋文魴鱣下云毛云大魚也以上章推之正義本亦如此段王裁云此當

云鱣魚也說詳上

亦文姜所使止

小字本相臺本同案正義云亦文姜所使今定本云所使出於義是也標起止云至

使止此箋當是定本有止字正義本無耳出是止字之譌標起止當是後改也

今其上下相充也

閩本明監本毛本同案浦鑑云今當令字誤是也

義亦同也

閩本明監本毛本此下尚有十九字同案山井鼎云釋文混在疏中當改正也是也

○載驅

疾驅於通道大都

唐石經小字本相臺本同案下正義云序言疾驅故云疾驅與驅音義同考釋文

毛詩注疏校勘記

卷二

三

云載驅本亦作駟薄薄下云疾駟聲也又鄒載駟釋文云駟字亦作駟如字協韻亦音上唐時凡經序駟字皆有作駟之本而正義本此一字作駟故特說之也五經文字云駟作駟訛依字書言之正義自爲文亦用駟十行本間或作駟乃寫書人以爲別體取其省非正義所用

載驅薄薄

毛本駟誤駟明監本以上皆不誤

簞蒔朱鄺

唐石經小字本相臺本同案五經文字云鄺此說文字論語及釋文並作蒔今此釋文正作蒔正義

引說文或其本作鄺而唐石經以下所從出也韓奕釋文亦作鄺

簞方文蓆也

閩本明監本毛本同小字本相臺本蓆作席案蓆字是也蓆大也在緇衣非此之用但俗

體有加草者耳

以入魯竟

小字本相臺本同閩本明監本毛本竟作境案竟字是也釋文云竟本亦作境考正義本是竟

字其自爲文則用境字易字之例也餘同此

與革前謂之艱

閩本明監本毛本同案浦鍾云艱誤艱下同是也

彼文革飾後戶謂之蔽

閩本明監本毛本同案盧文弨云當云革飾後戶謂之第竹飾

後戶謂之蔽脫七字是也上文可證複出而誤耳

乘其一駟之馬

閩本明監本毛本乘誤盛

箋以爲齊子愷悌

閩本明監本毛本同案經注作豈弟標起止云至豈弟正義作愷悌豈愷

弟悌皆古今字易而說之也例見前考文古本經作愷悌誤采正義所易之今字

與上古文相通也

閩本明監本毛本同案古當作句形近之譌

○猗嗟

頤而長兮

唐石經小字本相臺本同案正義云若猶然也此言頤若長兮又定本云頤而長兮而與若義並通

也釋文以頤而作音與定本同

然而美者其額上揚廣兮

閩本明監本毛本同案然上浦鏗云脫抑字是也

嗟是口之暗咀

閩本明監本毛本同案咀當作啞形近之譌暗啞見史記淮陰侯列傳索隱亦

作噤見集解

傳欲辨揚是眉

閩本明監本毛本傳誤專

趨今之吏步

閩本明監本毛本吏作捷是也

大夫二正士一正

小字本相臺本同案此定本也正義本當是大夫二正士二正正義引夏官射

人而云彼文大夫士同射二正今定本云大夫二正士一正誤耳各本皆沿定本之誤

未學者之所及

閩本明監本毛本同案浦鏗云未當未字誤是也

以射法治射義

閩本明監本毛本同案浦鏗云儀誤義是也

均布之以至於外畔也

明監本毛本均下衍而字閩本剗入

量侯道者以弓爲度

毛本度誤量閩本明監本不誤

司衣掌大射之禮云

閩本明監本毛本同案浦鏗云裘誤衣是也

有正者無鵠者無正

閩本明監本毛本同案浦鏗云無鵠下當脫有鵠二字是也

象其能禦四方之亂也

閩本明監本毛本同小字本相臺本無也字

二十四章

唐石經二十作卅小字本相臺本作三十毛本同案三十是也閩本明監本亦誤作二十

魏譜

都平陽或安邑

閩本明監本毛本平誤子

乃底滅亡

閩本明監本毛本底誤底下底柱同

故言周以封同姓子

閩本明監本毛本同案子當作云形近之譌

寘諸河之干兮

閩本明監本毛本同案此不與今地理志同



不可知凡

閩本明監本毛本同案浦鏜云凡當作也字誤是也

止此詩並刺君

閩本明監本毛本止作也案皆誤也止當作但字之壞耳

○葛屨

而無德以將之

小字本相臺本同唐石經初刻之下有也字後磨去

葛屨二章

明監本毛本二誤三閩本不誤

反覆儉嗇褊急

閩本明監本毛本同案浦鏜云覆當復字誤是也

機巧趨利者章上四句是也

閩本明監本毛本同案者當作首形近之謬

亦是趨利之士也

閩本明監本毛本土作事案所改是也篇內同

故箋採下章

閩本明監本毛本同案浦鏜云採當採字誤是也

要褻也

段玉裁云古本當作要要也謂此要字即衣之要也衣之要見於喪服士喪禮玉藻深衣諸篇字無

作褱者以本字爲訓此易傳蒙者蒙也比者比也剥者剥也說文已巳也北風傳虛虛也之例淺人不能通故北風與此二傳皆妄改

**褱領也**

小字本相臺本同案領上當有衣字釋文褱下云衣領也正義云要是裳褱則褱爲衣領說文亦云

褱衣領也考此可見釋文正義二本此傳皆有衣字正義亦者卽亦傳也說文褱下引詩此句是正用傳文傳上云要褱也以上經已見裳字故不復言裳褱也此傳云褱衣領也以經更無衣字故須言衣以顯之也各本脫衣字失傳旨矣當正之○案褱領皆統於衣不得分褱屬裳領屬衣正義云褱爲裳褱此語陋甚是朱考儀禮禮記衣服之制

**好人好女手之人**

小字本相臺本同案此定本也正義本無下好字正義云上云女手此云好人

故云好人女手之人今定本云好人好女手之人者義亦通

**國家靡幣**

閩本明監本毛本同案幣當作弊形近之譌

君子不履絲屨者

閩本明監本毛本履誤屨

雖復與禪同

閩本明監本毛本同案浦鏗云複誤復考儀禮釋文浦校是也

要是裳褱

毛本褱誤要閩本明監本不誤案此正義上要下褱改而一之者非

則襯爲衣領

閩本明監本毛本同案襯當作襯

○汾沮洳

其君儉以能勤

唐石經小字本相臺本同案釋文云其君子一本無子字正義云其集注序云君子儉以

能勤案今定本及諸本序直云其君義亦得通考文古本有采釋文正義

雖然其采莫之士

小字本相臺本土作事閩本明監本毛本同案事字是也士乃誤字其誤與葛

屨正義內同當時寫書人往往以士代事此絕不可通閩本以下閒仍之亦誤

○園有桃

興也園有桃其實之穀

閩本明監本毛本同小字本相臺本穀作食案食字是也此傳以食

解穀非複舉經文正義說箋云明食桃爲穀正用傳

不我知者

唐石經小字本同相臺本作不知我者閩本明監本毛本同案相臺本非也箋倒經作不知我者正

義依之耳不可據以改經下章同

夫人謂我欲何爲乎

小字本相臺本同案正義云今定本云彼人不云夫人義亦通也釋文云

夫人音符與正義本同

箋云知是

閩本明監本毛本同小字本相臺本知作如考文古本同案如字是也

以自止也

小字本相臺本同考文古本同閩本明監本毛本止誤正十行本初刻止後剗改作正案止字

是也正義云蓋欲亦自止勿復思念之可證

又言從君之行儉而嗇

閩本明監本毛本同案浦鏜云從當彼字誤是也

是稅三不得薄也

閩本明監本毛本同案三當作一

非徒薄於十

閩本明監本毛本同案十當作一

○陟帖

國迫而數侵削

唐石經小字本相臺本同案此定本也正義云今定本云國迫而數侵削義亦通也下云

箋以文承數見侵削是正義本數下有見字考釋文云國迫而數侵削本或作國小而迫數見侵削者誤正義本當即或作本也葛屨序正義云以下園有桃及陟帖序皆云國小而迫日以侵削乃引此就園有桃序耳考文古本作國小迫而數見侵削采釋文但誤倒而迫二字

猶司寇亡役諸司空

閩本明監本毛本同案亡當作云形近之譌

止者謂在軍事作部列時

小字本相臺本同閩本同明監本毛本止作上案上字是也正義云

若至軍中在部列之上又說箋云此變言上又云明在軍上爲部分行列時也標起止云箋上者皆可證山井鼎云

按疏作上爲是

○十畝之間

桑者閑閑兮

唐石經小字本相臺本同案釋文云閒閒音閑本亦作閑正義標起止云傳閑閑正義本與釋

文亦作本同

又云遂上地有菜五十畝

閩本明監本毛本同案浦鏜云萊譌菜是也

○伐檀

徑言徑涎也

閩本明監本毛本同案涎當作佺形近之譌爾雅釋文可證

猶似闇主常多

閩本明監本毛本似誤以

揚子云有田一厘

閩本明監本毛本同案浦鏜云雲誤云非也此語出揚子自序

其雌者名𧈧𧈧乃刀反

毛本𧈧誤𧈧閩本明監本不誤案爾雅釋文云𧈧字又作𧈧同

是作獾者誤

今江東通呼貉爲狹狹

閩本明監本毛本同案浦鏗云狹狹誤狹狹引證爾雅釋文狹

烏郎反狹山吏反是也

獸三歲曰特

小字本相臺本同案正義云獸三歲曰特毛氏當有所據不知出何書盧文弨云齊傳曰

三歲曰肩幽傳曰三歲曰豮矣則此傳三當作四廣雅之所本也段玉裁云鄭司農注周禮云三歲爲特四歲爲肩與毛互異肩豮同字耳今考騶虞正義引此傳亦作三歲云蓋異獸別名故三歲者有二名也

故今古數言之

閩本明監本毛本同案今當作合形近之譌

其雄鵠牝庫

閩本明監本毛本鵠誤鵠

入其門則無人焉

閩本明監本毛本同案此公羊本作則無人焉門者何休注可證正義所

引亦然不知者誤去下門者二字耳今公羊焉字誤在門字下更非

鄭以爲魚食飧

閩本明監本毛本同案食當作飧之二字

不得與不素飧相配

閩本明監本毛本同案浦鏗云飧當餐字誤是也

○碩鼠

曾無教令恩德來顧眷我

小字本相臺本同案依正義當作眷顧各本皆誤倒也

關西呼齠音瞿鼠

閩本明監本毛本同案呼至瞿十行本刻添者一字必音瞿二字初刻旁

行細書而兩字相並後改入正文故如此耳山井鼎云鼠字當在齠下非也爾雅釋文作齠將略反引沈旋作齠音求于反此同沈也○按音瞿二字郭語也非疏家語

及卿大夫職

閩本明監本毛本同案浦鏗云卿誤卿是也

或郊民入徙國中

毛本入誤人閩本明監本不誤

誰之永號

唐石經小字本相臺本同案釋文云咏本亦作永同音詠歌也正義本是永字此箋云永歌也乃讀



永爲咏不改其字者以爲假借也正義本爲長釋文本作咏當是因箋并改經字考文古本作詠采釋文耳

言往釋皆歌號

閩本明監本毛本同十行本釋字剗案此誤也釋當作矣首章正義云言往矣

將去汝往矣二字本箋此亦同物觀考文補遺所載作就彼所見本而言也

樂記及關雎矣

閩本明監本毛本同十行本矣字剗案此誤也矣當作序十行本欲剗上文往

矣之矣誤入於此山井鼎云宋板磨滅就彼所見本而言也

魏國七篇十八章百二十八句

十行本脫此一行各本皆有

唐譜

以此封君

閩本明監本毛本同案浦鏗云若誤君是也

是也南有晉水

閩本明監本毛本同案也當作地壤去土傍耳

恒山在故縣上曲陽西北

閩本明監本毛本同案縣當作郡

湯湯洪水方害

閩本明監本毛本同案此不誤浦鏜云割誤害非也此不與今尚書同耳古害

割同字思文正義引作割或後人改之○按此以詁訓字代其本字非所見尚書有異本也

既稷播奏庶艱食鮮食

閩本明監本毛本同案浦鏜云暨誤既是也

王命虢父伐曲沃

閩本明監本毛本同案盧文弨云左氏父作公是也鵠羽正義引正作公

此誤

頃父之子嘉父

閩本明監本毛本頃誤須

○蟋蟀

以禮自娛樂也

閩本明監本毛本同案序作虞正義作娛虞娛古今字易而說之也例見前考

文古本於出其東門經改娛爲虞采此

君之好義

閩本明監本毛本同小字本相臺本義作樂考文古本同案樂字是也

則歲未爲暮

閩本明監本毛本同案經作莫正義作暮莫暮古今字易而說之也例見前餘同此

○山有樞

弗擊弗考是也

毛本擊誤鼓閩本明監本不誤

山有樞

唐石經小字本相臺本同案釋文云樞本或作蔭鳥侯反莖也爾雅釋木蔭莖釋文蔭鳥侯反詩云山有

樞是也本或作蔭同考漢石經魯詩殘碑作蔭說文艸部蔭下云草也不以爲蔭莖字是毛氏詩作樞也爾雅加艸於首所以別戶樞字耳漢書地理志山蔭亦然其實毛詩不作蔭釋文或作本非也亦不作蔭故說文艸部木部皆無蔭字也

失其聲耳

明監本失誤者閩本毛本不誤

華如練而細

閩本明監本毛本同案此不誤浦鏜云棟誤練非也練卽棟字耳○按疏家不用假

借字作棟是

藥正白蓋樹

閩本明監本毛本同案此不誤浦鏜云蓋下脫此字非也蓋樹二字爲一句言華之

盛多掩蓋其樹也

共汲山下人

明監本汲誤及閩本毛本不誤

弗洒弗埽

唐石經小字本相臺本同閩本同明監本毛本埽作掃案埽字是也

弗鼓弗考

唐石經小字本相臺本同案正義云今定本云弗鼓弗考注云考擊也無亦字義並通也釋文云弗

鼓如字本或作擊非正義本與或作本同

考擊也

小字本相臺本同案此定本也正義本考下有亦字亦者亦經弗擊也見上標起止云傳洒灑考擊

當脫亦字或後人誤去之也

謂得已樂以爲樂

閩本明監本毛本謂誤爲下謂得已之安同

何不日日鼓瑟有飲食之

閩本明監本毛本有作而案所改非也有當作自形近之

譌

○揚之水

沃盛强

閩本明監本毛本同唐石經小字本相臺本强作疆案疆字是也疆雖可通用强而正義本用疆字今正

義中間有强字者寫書人省而亂之耳餘同此

昭公分其國地

明監本毛本地誤也閩本不誤

沃國日以盛疆

明監本沃誤氏閩本毛本不誤

始兆亂矣

明監本兆誤比閩本毛本不誤

其能久乎

明監本乎誤矣閩本毛本不誤

鑿鑿然鮮明貌

小字本相臺本同閩本同考文古本同明監本毛本脫然字

激流湍疾

小字本同閩本明監本毛本同相臺本激作波考文古本同案波字是也正義言激揚之水波

流湍疾是其證

使白石鑿鑿然

小字本相臺本同閩本同考文古本同明監本毛本脫使字

知諸侯當服之也中衣者

閩本明監本脫中字毛本脫也字

詩云素衣朱襮

閩本明監本毛本素誤表

於此綃上刺爲繡文

閩本明監本毛本同案繡當作繡

白石皓皓

小字本相臺本同唐石經初刻同後磨改作皓案皓字是也說文白部無皓字是皓字本從日也廣韻三十二皓亦無皓字釋文當本作皓今誤見後考證

白石粼粼

唐石經小字本相臺本同閩本明監本毛本粼誤案今釋文亦有誤者詳後考證

○椒聊

碩謂壯貌佼好也

小字本相臺本同閩本明監本毛本同案段玉裁云正義云故以碩爲壯佼貌

是正義本作壯佼貌壯佼二字疑鄭本用月令文而後人亂之壯佼又見其楚箋

條長也

小字本相臺本同案正義云尙書稱厥木惟條謂木枝長故以條爲長也其說非也此傳以長訓條

乃謂條爲脩之假借古字條脩相通如漢書脩侯之比考義云椒之氣日益遠長是此經遠條二字皆以氣言之不以枝言之也下章同考文古本改經二條字皆作脩乃依長也之訓而爲之耳非有所本此經自正義及唐石經以下各本皆作條也

彼已是子謂桓叔

閩本明監本毛本已誤其案此正義以已說其耳故與經字不同考文古

本經其作已采此而誤又謂衍字也彼已是子桓叔六字爲一句正義文例如此猶日月正義云今乃如是人莊公之類

得美廣大

閩本同明監本毛本得作德案所改是也

郭璞曰菜萁子

閩本明監本毛本菜誤菜案浦鏜云萁誤萁從爾雅音義校萁所留反是也

碩大且篤

唐石經小字本相臺本同閩本明監本毛本碩誤實

言聲之遠聞也

小字本相臺本同案段玉裁云聲當作馨此欲以馨訓條也今考此章條與上章同

皆訓長爲脩字之假借非有異也不宜更爲之訓此傳言聲之遠聞也乃篇末揔發一篇之傳謂此椒聊詩乃言桓叔聲之遠聞也篇末揔發傳毛氏每有此例如采蘋木瓜之屬是矣此傳毛當有所案據自作正義時已無文以言之後遂專繫諸第二章遠條且一句而疑其有所不可通也○按說文云馨香之遠聞也正與此合蓋上章作脩此章作條後人亂之耳條取芬芳條暢之義

○綢繆

若薪芻待人事

小字本相臺本芻作芻閩本明監本毛本亦同案芻字是也釋文正義皆可證唯十

行本作芻乃沿經注本俗體字耳

鄭差次之

閩本明監本毛本鄭誤卻

又哀十二年左傳云

閩本明監本毛本二誤一



妻謂夫爲良人

毛本爲誤謂閩本明監本不誤

斥嫁取者

小字本相臺本同案嫁衍字也此但刺取者不刺嫁者故下文云子取後陰陽交會之月也正

義亦可證

謂之五月之末

閩本明監本毛本同小字本相臺本謂下無之字考文古本同案無者是也

有一妻二妾也

明監本毛本二誤一閩本不誤

○杖杜

有杖之杜

唐石經小字本相臺本同案釋文云杖本或作夷狄字非也考此六朝時河北本也其江南本木傍

施大不誤見顏氏家訓

杖特貌

閩本明監本毛本同小字本相臺本特下有生字案此十行本無者是也釋文杖杜下云特貌顏氏

家訓引江南本傳亦無生字正義云言有杖然特生之杜者是自爲文取下有杖之杜篇箋文爲說耳非此傳有生

字也考彼箋乃本彼經生于道左而言之則此傳不應有明矣考文古本有采正義○按說文林木特貌正本毛傳  
湑湑枝葉不相比也小字本相臺本同閩本明監本毛本亦同案比下當有次字此傳比次卽  
取經胡不比焉胡不飲焉之文也釋文湑湑下云不相比次也是其本有次字正義云傳於此云湑湑枝葉不相比標起止云至相比或因經注本無次字而誤去之耳其餘仍多言比次也考文古本次字采釋文

以菁菁爲稀少之貌閩本明監本毛本同案下箋作希此正義作稀希稀古今字易而說  
之也例見前

希少之貌小字本相臺本同閩本明監本毛本希誤稀案此不知正義易字而誤依之改也

故知同姓爲同祖也閩本明監本毛本知誤云

### ○羔裘

晉人刺其在位唐石經小字本相臺本同案正義云俗本或其下有君衍字定本無君字是也考文古本

三言注易老書言 卷二

三

有采正義

祛袂也

小字本相臺本同案釋文祛下云袂末也正義云此解直云祛袂定本云祛袂末與禮合釋文本與

定本同下傳云本末不同正義云以裘身為本裘袂為末是也無取於袂為本祛為袂末當以正義本為長見段玉裁毛詩詁訓傳注

又曰袂尺二寸

閩本明監本毛本同案浦鏗云祛誤袂是也又下袂口也不誤浦并改之則非

不應得有故亂舊恩好

閩本明監本毛本同案浦鏗云亂疑衍字是也上文兩言故舊

恩好可證

○鵠羽

君子下從征役

唐石經小字本相臺本同案正義云言下從征役者又云定本作下從征役如其所言不

為有異當有異也釋文云政役音征篇內注同或定本作政字也考周禮小宰聽政役以比居注云政謂賦也凡其字或

作正或作征以多言宜從征如孟子交征利云此序字與彼同考文古本作政采釋文

逐翼侯于汾隰

明監本毛本隰誤涇閩本不誤

積者根相迫迨捆致也

小字本同閩本明監本毛本同相臺本捆作捆案捆字非也捆者捆

字之借又釋文云致直置反下同正義云定本綴皆作致是正義本此箋及下傳箋攻致皆作綴也考說文糸部本無綴字徐氏新附字有之鄭考工記注云穊致也亦不從系當以釋文定本為長下傳攻致閩本以下作綴依正義改耳以後致字同此

其殼為汁

閩本明監本毛本同案浦鏗云斗誤汁是也下多言杆汁誤同

監與蠱字異義同

明監本毛本與誤為閩本不誤

曷其有常

唐石經以下各本同唯相臺原刻作有其誤

○無衣

刺晉武公也關本明監本毛本同庸石經小字本相臺本刺作美考文古本同錄正義云美晉武公也所以美之者又云而作是無衣之詩以美之又云美其能并晉國作美者是也上文讀正義云無衣有杜之杜則皆刺武公者誤

豈號奉使適晉

關本明監本毛本號下有公字案所補是也

心未自安

小字本相臺本同閩本明監本同考文古本同毛本朱作不案心未自安者承上箋謂七章之

衣晉舊有之矣但朱自安耳正義云心不自安乃自爲之不當依以改義

安且煥兮

唐石經小字本相臺本同案釋文云與本又作煥正義釋起止云傳煥煥也是正義本作煥小明經

作與經中用字不盡一之例考文古本作與案釋文

○有杜之杜

言武公專任己身

閩本明監本毛本任誤在

皆可求之我君所閩本明監本毛本同小字本相臺本求作來案來字是也正義云皆可使之適

我君之所此來之之義也

君當忠心誠實好之閩本明監本毛本忠作中案所改是也

○葛生

二年傳云閩本明監本毛本二誤三

域營域也

閩本明監本毛本同小字本相臺本營作塋案此十行本營字是也營卽塋之借字耳

故極之以盡情

小字本相臺本極下有言字閩本明監本毛本同考文古本無極字案此十行本無

言字者是也小大雅譜云要於極賢聖之情是其證

婦人專一

閩本明監本毛本同小字本相臺本一作壹案壹字是也

○采苓

以獻公好聽用讒之言

明監本毛本讒下有人字閩本刻入案所補是也

人之爲言

唐石經小字本相臺本同案此釋文本也正義云人之詐譌之言又下文盡作僞言是其證又云王

肅諸本作爲言定本作僞言此引定本以證其同也釋文云爲言于僞反或如字下文皆同本或作僞字非考沔水民之訛言箋云訛僞也言時不令小人好詐僞爲交易之言正月人之訛言箋云訛僞也人以僞言相陷入其訛言卽此經之爲言也古爲僞訛三字皆聲類所近用作假借用作詬訓其理一也作爲則當讀作僞耳箋不云讀作者其於假借例有如此者也正義本定本乃依正字釋文讀于僞反及如字又云本或作僞字非其說皆未諦考文古本作僞下文注同皆采正義○按鄭箋云謂爲人爲善言上爲字去聲下爲字平聲讀之然則經文爲字不當作僞爲者作也造也王風傳云造爲也

爲言謂爲人爲善言

小字本相臺本同案釋文云爲言謂爲人並于僞反若經文依字讀則此

上爲字亦依字正義本經作僞言此箋當亦作僞言下二爲字雖無明文但以經推之當是作爲人僞善言其爲人

讀字偽反偽善言卽複舉經字也

欲使見進用也

相臺本同閩本明監本毛本同小字本無也字